

四庫全書

集部

欽定四庫全書

御定全唐詩卷八百七十三

李兼

題洛陽縣壁

李果遷洛陽令民吏畏服時有李兼夜聞衛中有人語曰李令正人

此中不可久居啟門視之寂無影響方知其妖兼遂書其壁云云

猾吏畏服縣妖破膽好錄政聲聞於御覽

杜兼

題書卷後語

兼字處弘洹水人貞元元和間歷濠蘇二州刺史終河南尹性豪侈

家聚書萬卷每卷
後必自題云云

倩

一作倩

俸寫來手自校汝曹讀之知聖道隆之驚之為

不孝

舒元興

題李陽冰玉箸篆詞

斯去千年冰生唐時冰復去矣後來者誰後千年有人
誰能待之後千年無人篆止於斯嗚呼主人為吾寶之

附柳公權筆偈云圓如錐
銖如鑿不得出只得却

裴諤

判誤書紙背

諤素好詆諆為河南尹有
投牒誤書紙背者判云云

這畔似那畔那畔似這畔我也不辭與你判笑殺門前

著鞞漢

又判爭貓兒狀

有婦人同投狀爭貓兒狀云若
是兒貓兒即是兒貓兒若不是

兒貓兒即不是兒貓兒諤大笑判其
狀云云遂納其貓兒爭者亦止焉

貓兒不識主傍家搦老鼠兩家不須爭將來與裴諤

李翱

斷僧通狀

上歲童子二十受戒君王不朝父母不拜口稱貧道有
錢放債量決十下牒出東界

韓滉

判僧雲晏五人聚賭喧諍語

正法何曾執貝空門不積餘財白日既能賭博通宵必
醉尊壘強說天堂難到又言地獄長開竝付江神收管
波中便是泉臺

皇甫大夫

判道士黃山隱

山隱以道服謁大夫向竹而吟云古者有七賢六箇今何在意

氣甚傲大夫試以錢絹投之改儒服陳謝甚卑因判而刑之

道士黃山隱
輕人復重財
太山將比甌
東海只容杯
綠綬藏雲帔
烏巾換鹿胎
黃泉六箇鬼
今夜待君來

羅紹威

碾驢鞍判

紹威俊邁有詞學尤好戲判有人向官街中鞦驢置鞍於地為駕牛車者

碾破相毆判其狀云云

鄴城大道甚寬何故駕車碾鞍領韉驢漢子科決待駕車漢子喜歡

蕭結

批州符

結廬陵人五代時為祁陽縣令性不畏強禦方暮春時有州符下取競渡船刺

史將臨觀結怒批其符云云守為止

秧開五葉蠶長三眠人皆忙迫划甚閑船

末句一作詎任渡船

王魯

判部民訴主簿牒

魯為當塗宰頗以資產為務會部民連狀訴主簿貪賂魯

判云云為好事者口實

汝雖打草吾已驚蛇

伶人

戲為冥吏判

張崇帥廬州索錢無厭嘗因燕次一伶人假為死者被譴作水族冥

司判云云崇大慙

焦湖百里一任作獺

張翱

自狀

乾寧中翱游徐宿時宿州刺史陳璠以軍旅出身擅行威斷翱恃才傲物席上調其

寵妓張小秦怒付吏責其無禮翱狀云云瑤益
怒云據此合喫幾下翱又云只此兩句合喫三
下五下切求一笑宜費
千金萬金竟鞭背而卒

有張翱兮寓止淮陰來綺席兮放恣曾襟

趙武建

刺左右膊詩

唐中葉長安惡少年多以詩句鑱
涅肌膚夸詭力剗紋坊間遠近效

之成習其他更有取名賢詩中意細刺樹木人
物至有周身用白樂天詩意刺涅人呼為白舍
人行詩圖者
名為剗青云

野鴨灘頭宿朝朝被鶻梢忽驚飛入水留命到今朝

宋元素

刺左臂膊詩

昔日已前家未貧
苦將錢物結交親
如今失路尋知己
行盡關山無一人

張幹

刺左右膊句

生不怕京兆尹
左死不畏閻羅王
右

御定全唐詩卷八百七十三

欽定四庫全書

御定全唐詩卷八百七十四

廉州人歌

武德初顏遊秦為廉州刺史時承劉黑闥初平之後風俗未安遊秦撫恤

之化大行邑里歌之高祖賜璽書勉勞

廉州顏有道性行同莊老愛民如赤子不殺非時草

滄州百姓歌

貞觀中薛大鼎為滄州刺史州界有無棣河隋末填廢大鼎奏開之

引魚鹽於海百姓歌之云

新河得通舟楫利直達滄海魚鹽至昔日徒行今騁駟

美哉薛公德滂被

薛將軍歌

薛仁貴擊九姓突厥於天山賊遣驍健逆戰仁貴發三矢射殺三人自餘

一時下馬請降大捷而還軍中歌
云云於是九姓衰弱不復為患

將軍三箭定天山戰士長歌入漢關

郢州人歌

永徽中田仁會為郢州刺史有善政屬旱自暴得雨其年大稔人歌之

父母育我田使君精神為人上天聞田中致雨山出雲

但願常在不患貧

一作父母育我兮田使君挺精誠兮上天聞中田致雨兮山出雲倉廩實

兮禮義申願君
常在兮不患貧

維縣與人誦

維縣令張知古為令綏亡國存蠲虐去暴與百姓更始與人斐然為

作誦

云云

我有聖帝撫令君遭暴昏椽惇寡紛民戶流散日月曛
君去來兮惠我仁百姓蘇矣見陽春

黃麋歌

如意年己來始唱黃麋歌俄而契丹反叛總管曹仁師張玄遇麻仁節王孝傑

前後百萬眾敗於硤石黃麋谷固有子遺

黃麋黃麋草裏藏彎弓射爾傷

桑條歌

永徽以後人唱桑條歌神龍年中韋后臨朝鄭愔作桑條歌樂詞十餘首進之

逆章

大喜

桑條韋也女時韋也樂

一作桑條韋也女韋也

景龍中嘲宰相歌

景龍中洛下霖雨百餘日宰相不能調陰陽乃閉坊市北

門卒無放霧溢更甚人歌云云

禮賢不解開東閣燮理惟能閉北門

選人歌

姜晦為吏部侍郎眼不識字手不解書濫掌銓銜曾無分別選人歌云云

今年選數恰相當都由座主無文章案後一腔凍豬肉

所以名為姜侍郎

魯城民歌

姜師度好奇詭為滄州刺史開河築堰州縣鼎沸魯城界內種稻置屯蟹

食穗盡又差夫打蟹民苦之歌曰

魯地抑種稻一概被水沫年年索蟹夫百姓不可活

王法曹歌

王熊為澤州都督府法曹斷略糧賊惟各決杖一百通判熊曰總略幾人

法曹曰略七人合決七百法曹曲斷府司科罪時人哂之前尹正義為都督公平後熊來替百姓歌云云

前得尹佛子後得王獺獺判事驢齧爪喚人牛嚼沫

一作

鐵見錢滿面喜無錙從頭唱常逢餓夜叉百姓不可活

得體歌

天寶初韋堅為陝郡太守水陸轉運使於長安城東澹水傍穿廣運潭以通吳

會數十郡舟楫若廣陵郡船即堆積廣陵所出
錦鏡銅器餘郡皆然舟人大笠寬衫芒履如吳
楚之製先是民間戲唱得體歌至開元末田同
秀上言見玄元皇帝云有寶符在陝州桃林縣
古關今尹喜宅遣中使求得之以為殊祥改縣
為靈寶及堅鑿新潭成又致揚州銅器陝縣尉
崔成甫乃翻其詞為得寶歌集兩縣官伎女子
唱之成甫又作歌詞十章自衣跌膝綠衫錦半
臂偏袒膊紅抹額於第一船作號頭唱之和者
女子百人皆鮮服靚妝齊聲接影鼓笛雜部以
應之明皇臨觀
大悅下詔褒賞

得

反丁統

體

反都董

紇那也紇囊得體那潭裏船車鬧揚州

銅器多三郎當殿坐聽唱得休歌

得寶歌

開元末弘農古函谷關得寶符因改元為天寶其符白石赤文正成桑宇解者

云桑者四十八以示御歷之數及帝幸蜀之來歲正四十八年得寶之時天下歌之云云

得寶耶弘農耶弘農耶得寶耶

崔成甫翻得寶歌

得寶弘農野弘農得寶那潭裏船車鬧揚州銅器多三

郎當殿坐聽唱得寶歌

袁仁敬歌

開元二十一年大理卿袁仁敬暴卒繫囚聞之皆慟哭悲歌云云

天不恤冤人兮何奪我慈親兮有理無申兮痛哉安訴

陳兮

京兆二尹歌

李仲通天寶末為京兆尹弟叔明乾元中復為京兆長安歌云云

前尹赫赫具瞻允若後尹熙熙具瞻允斯

黃州左公歌

乾元二年贊善大夫左震出為黃州刺史黃人歌云

我欲逃鄉里我欲去墳墓左公今既來誰忍棄之去

又歌

肅宗嘗遣女巫分行天下祭名山大川祈福巫所至因緣為姦至黃州震斬巫閱其

賦籍

奏焉

吾鄉有鬼巫惑人人不知天子正尊信左公能殺之

舒州人歌

實應中榮陽鄭穀守舒州
蝗蟲不入界人歌之云云

鄰邑谷不登我土豐稔盛禾稼美如雲實繫我使君

建州人歌

陸長源建中初為建州刺
史有惠政百姓歌美之云

令我州郡泰令我戶口裕令我活計大陸員外
令我家不分令我馬成羣令我稻滿囷陸使君

吳人歌

滕遂貞元末登科歷大理評事
長洲令攝吳縣時人歌之云

朝判長洲暮判吳道不拾遺人不孤

汴州人歌

宣武節度董晉薨
汴州人歌之云云

濁流洋洋有關其邪闐道嗷呼公來之初今公之歸公
在喪車

公既來止東人以完今公歿矣人誰與安

建昌民歌

何易于會昌中攝令
有惠政民歌之云

我有父何易于昔無儲今有餘

巴州薛刺史歌

日出而耕日入而歸吏不到門夜不掩扉有孩有童願

以名垂何以字之薛孫薛兒

高苑令歌

高苑令劉敬和先為鄒淄二縣今後在高苑歲饑擅發倉施賑民得全活

歌之云云

高苑之樹枯已榮淄川之水渾已澄鄒邑之民仆已行

九龍悵歌

閩王鑄以婢金鳳為后嬖吏歸守明通之鑄嘗命工作九龍悵國人歌云

誰謂九龍悵惟貯一歸郎

偽蜀鴛鴦樹歌

蜀王孟昶說宮婢春燕末年與某人等遭殺並命合葬墓上有

樹生異花似鴛鴦交頸人名曰鴛鴦樹有歌云云

願作墳上鴛鴦來作雙飛去作雙歸

曲江遊人歌

曲江貴家遊賞翦百花裝成師子
繫小連環以蜀錦流蘇牽之互相

送遺送時

唱歌云云

春光且莫去留與醉人看

蜥蜴求雨歌

唐時求雨法以土實巨甕作木蜥
蜥小童操青竹衣青衣以舞歌云

云

蜥蜴蜥蜴興雲吐霧雨若滂沱放汝歸去

輓歌

紅輪決定沈西去未委魂靈往那方

御定全唐詩卷八百七十四

欽定四庫全書

御定全唐詩卷八百七十五

唐受命識

法律存道德在白旗天子出東海

太原童謠創業起居注云隋主恒服白

衣幸江都擬於東海以應之
衆請法周武執白旗帝兼絳雍半續之焉
後高祖起事

桃李子莫浪語黃鵠繞山飛宛轉花園裏

桃李子歌下三首同

桃花園宛轉屬旌幡

起居注云李為國姓桃若言陶唐也帝起兵旗幡赤白相映若花園

帝每顧旗幡笑而言曰花園可爾不知
黃鵠如何吾當一舉千里以符冥識

桃李子鴻鵠繞陽山宛轉花林裏莫浪語誰道許

隋五行志

載此以莫浪語為李密雜道許為字文化及國號

桃李子洪水繞楊山

唐五行志云高祖諱淵洪水也

江南楊柳樹江北李花榮楊柳飛縣何處去李花結果

自然成

李花謠

勸進疏引識

創業起居注義寧二年文武將佐喪寂等上疏高祖勸進寂又依東

漢赤伏符故事奏神人慧化尼衛元嵩等歌謠詩識遂擇日正大位

東海十八子八井喚三軍手持雙白雀頭上戴紫雲

丁丑語甲子深藏八堂裏何意坐堂裏中央有天子

西北天火照龍山昭童子赤光連北斗童子木上懸白
旛甲兵紛紛滿前後拍手唱堂堂驅羊向南走

蕃兵未濟漢不整治中都護有八井

興伍伍仁義行武得九九得聲名童子木底百丈水東
家井裏五色星我語不可信問取衛先生

戊亥君臣亂子丑破城隍寅卯如欲定龍蛇伏四方十
八成男子洪水主刀傍市朝義歸政人寧俱不荒人言

有恒性也復道非常為君好思量何

禹湯桃源花

李樹起堂堂只看寅卯歲深水沒黃楊

李花謠
缺四字

符鳳引識

武延秀尚安樂公主恃恩放縱有不臣之心公主府倉曹符鳳引識云云

說之曰今天下猶以武氏為念駙馬即神皇之孫大周可再興每勸令著阜襖子以應之

黑衣神孫披天裳

安祿山古識

劉賓客佳話寶誌詩有此兩角女子安字祿即祿也太行山也一止

正月也逆賊見弑於其子
果以至德二載之正月

兩角女子綠衣裳端坐太行邀君王一止之月必消亡

普滿題潞州佛舍

大厯中澤潞僧普滿不拘僧相言事往往有驗建中初題

此人莫能知其解及賊泚稱兵方悟此水者泚字涇水者自涇州兵亂也雙珠者泚與滔青牛者興元二年乙丑歲乙未青丑牛也明年改元貞元歲在丙寅丙火赤寅虎也至是賊已早故

云云

此水連涇水雙珠血滿川青牛將

一作赤虎還

號

一作號

太平年

南省北街人吟

監察御史李顧言貞元末應舉歲暮詣南省訪知已見省北街

中有一人挈小囊以烏紗蒙首北去徐吟詩云云策馬逼之失其人所在明年京師自冬雨雪

甚畿內不檢停舉又明春德宗晏駕果三月下旬放進士榜顧言至元和元年及第

放榜只應三月暮登科又校一年遲

盧求榜識

求李翱子壻有一道人詣翱言事甚異求赴舉翱訪於道人手疏授翱曰

今秋有主司問此卷尋報楊嗣復主文即開卷詞云云其年求為狀元黃駕居榜末次則盧求又李求凡三求而李姓則六人也

裴頭黃尾三求六李

清僧示趙宗儒

清僧居興元鵠鳴驛巴山之隈有言未嘗不中宗儒節制興元

日訪之作兩句詩云云求其解曰害風阿師取次語明年果除鄭餘慶代其位

梨花發後杏花初
甸邑南來慶有餘

又示段文昌

文昌客遊成都韋南康與秦釋褐為賓從歸闕至鵲鳴驛清公謂文

昌云云至京屢擢至宰相後拜劍南節度西至鵲鳴僧已物故而杏花方盛

去日既逢梅藥綻
來時應見杏花開

洛城五鳳樓中歌

咸通四年秋洛中大水飄溺尤甚先是皇城守閤者白晝聞

五鳳樓中有人歌云云時鄭相國涯留守洛師謂閤者為妖妄經月餘有遺燭燼天津橋者燒其半未幾水災魏王與月波二堤俱壞乃明閤者之言

天津橋畔火光起
魏王堤上看洪水

延和閣詩

高駢末年感於神仙之術起延和閣於大廳之西七間高八丈飾以珠玉

綺窗繡戶殆非人工每旦焚名香祈王母之降及畢師鐸亂人有登之者於藻井垂蓮之上見

二十八

字云

延和高閣上干雲小語猶疑太乙聞燒盡降真無一事

開門迎得畢將軍

唐舊識

唐舊有此識語董昌每引之以為我卿生來年歲在卯二月二日亦卯萬世之

葉在於此因於乾寧二年二月二日偕
袞冕即偽位改號羅平國以迄誅滅

兔子上金牀

越中狂生題旗亭

初董昌未敗前有狂生於越中旗亭題詩四句人不曉其

詞及昌敗方悟草重董字日日昌字素城者越城隋越公楊素所築也諸侯者猴乃錢鏐申生屬也白兔昌卯生屬也夏滿六月也鏡湖者越中也

日日草重生悠悠傍素城諸侯逐兔白夏滿鏡湖平

清泰三年歌

先是甲子歌有此後清泰三年丙申大軍於太原南五樓村前大戰

至九月晉祖勾契丹至於城下王師敗績至十一月戎王遣蕃軍送晉祖洛陽即契丹亂中原之應也

丙申年數在五樓前但看八九月戎馬亂中原

蜀王氏識文

王建妻弟眉州刺史周德權值梁祖篡唐引識文上表勸進云李祐

西王言唐後王氏與西方也上德坤維也允興亦西方也丹者朱也丹莫當亦朱梁不敢抗也

建大悅遂即位

德權累中書令

李祐西王逢吉昌上德允興丹莫當

黃萬祐題蜀宮壁

萬祐修道黔南無人之境累世常在每二三十年一出成

都賣藥言人災禍無不神驗蜀王建迎入宮盡禮事之後堅辭歸山初萬祐辭建歸於所居壁間題此後至乙亥年建師東取秦鳳諸州報捷之際宮內延火乃知乙亥是青豬為焚熱之期也後三年歲在戊寅寅為驚獸干與納音俱為土土黃色故云驚獸兩頭黃是年建殂云天下

哭不差

毫髮

莫交牽動青豬足動即炎炎不可撲驚獸不欲兩頭黃

黃即其年天下哭

孟蜀句者語

孟知祥僭號未幾而殂先是有句者自號醋頭手攜一燈檠所至卓

之云云至是人以為應

不得登登便倒

孟蜀桃符詩

幸寅遜仕偽蜀孟祖為學士王師將致討之前歲除昶令作詩兩句

寫桃符上寅遜題云云明年蜀亡呂餘慶以參知政事知益州長春乃太祖誕聖節名也

新年納餘慶嘉節號長春

上藍和尚晉漢二代識

洪州上藍院和尚失其名精於術數自唐末著

識云云石榴晉漢姓也重言之明享祚俱不過二世也

石榴花發石榴開

又遺鍾傳偈

和尚在洪州甚為鍾傳敬禮疾篤傳省之求一言相付和尚起索筆

作偈以授其末云云明年春淮帥引兵奄至洪州果陷江南遂為楊氏所有

但看來年二三月柳條堪作打鍾槌

又報王審知十字識

楊行審方盛常有吞東南之志審知齋供豫章問國

休咎以十字回報審知數曰腹者福也得非福州之患不在楊行密在錢氏乎至延義之亂江南來伐兩浙乘之敗江南兵福州果為錢氏有焉

不怕羊入屋只怕錢入腹

錢處士李氏識

處士不知何許人天祐末嘗遊江淮言李氏之祚云云楊氏自

稱尊至禪代二十年李氏三十九年果應

髣髴之間一倍楊

孫咸題廬山神廟詩

詩話總龜云咸出南唐末善為詩預知人禍福後死

南昌人棄屍於江沂流向上嘗題一詩於廬山九天使者廟不數年後金陵板蕩九江受圍人

民塗炭

竝應

獨入玄宮禮至真
焚香不為賤貧身
秦淮兩岸沙埋骨
湓浦千家血染塵
廬阜煙霞誰是主
虎溪風月屬何人
九江太守勤王室
好放天兵渡要津

南唐江州風墜詩

南唐胡則守江州宋師攻之堅壁不下忽有旋風吹片紙

隆城中云云後城

陷果屠戮殆盡

由來秉節世無雙
獨守孤城死不降
何似知機早回首
免教流血滿長江

杭州還鄉和尚唱

錢氏時有和尚在街市唱此人因名為還鄉和尚問之每

云明年大家都去錢氏果納地去歸汴云

還鄉寂寂杳無蹤不挂征帆水陸通
蹋得故鄉田地穩更無南北與西東

福州記

五代史王潮據泉州觀察使陳巖表為刺史巖卒其壻范暉自稱留後潮遣弟

審知攻暉殺之唐即以潮為觀察使潮卒審知代立吳越備史載福州先有僧為記云云其驗也

潮水來巖頭沒潮水去矢口出

黃涅槃識

閩王氏亡國留從効繼領留務雖稱藩南唐實雄據一隅先是妙應大師

黃涅槃有識云云既而清源果無干戈之擾乃從効姓名所應

先打南後打北留取清源作佛國

陳智廣識

智廣留坡人生元和初居九座山不茹葷叩禍福必驗唐末王氏入閩語

人云云自光啟丙午據閩終保大丙午

騎馬來騎馬去

又識

智廣遇留從効甚厚又嘗有識云云後從効果據泉州如其言後滅

功下田力交連井底坐二十年

僧緘示王處厚

緘大中進士削髮修道至後周顯德中猶在偽蜀舉子王處厚

嘗叩之言其必捷但泰山舉為司命當食幽府祿留四句示之後成名者八士內處厚與王慎言策名為二王而一百二十日後處厚竟亡皆驗焉

周士同成二王殊名王居一焉百日為程

任叟書授劉生

叟居汝州紫邏山以樵為業有劉生者欲謁中表梁宋鄭牧求

濟遇叟於塗語次乞紙筆書此授劉忽失所在鄭果為人所訟黜官不遂所詣始知其為異人

承欲往梁宋梁宋災方重旦夕為人訟承欲訪鄭生鄭生將有厄即為千里客兼亦變衫色

昌明里中識

縣州昌明縣實園山實子明修道之所臨峭辟斧橋以歲久朽絕里

中云云後咸通初山下居人有毛意
歡得道術布板椽於繩上而度焉

欲知修續者脚下是生毛

宋善威詩

善威瀛州人任某縣尉嘗畫坐忽然
走出門若迎接人者命酒饌樂飲仍

作詩云云後咸
果至唐中年卒

月落三株樹日暎九重天良夜歡宴罷暫是別庚申年

田承嗣誑李寶臣偽識

承嗣安史舊將降授魏
博節度大厯中朝廷命

幽州朱滔恒定李寶臣及滑州李正已三鎮兵
討之承嗣求成於正已又知寶臣生長范陽欲

得其地乃勒石為識密瘞寶臣境內使望氣者
云此中有王氣寶臣掘得之有文云云二帝指
寶臣正已也因使客諷寶臣背治興兵取范陽
自效寶臣以為事合符命喜而許之遂以兵襲
治承嗣知其釁已成乃旋軍告寶臣曰河內有
警急不暇相從石上識文吾戲為之耳寶臣慙
怒而退

二帝同功勢萬全將田作伴入幽燕

皮日休造黃巢識

欲知聖人姓田八二十一欲知聖人名果頭三屈律

巢頭

醜掠鬚不盡疑三屈律
之言譏之日休遂及禍

上元初嵩山石記

上元初有洛州告成縣民得石記於嵩山縣令獻焉高宗

詔藏於內府云是寇謙之所刻文多與不可解

木子當天下

言唐氏受命

止戈龍

言武后臨朝

李代代不移宗

言中

宗復與

中鼎顯真容

中宗廟諱及睿宗藏謚

基千萬歲

明皇御名基謂歷數久長

也

上陽銅器篆

上元中韋弘機充使造上陽宮掘地得銅器似盆而淺中有隱起雙

鯉之狀魚間有四篆字云云時人以為李氏再興之符

長宜子孫

永安渠石銘

武后時監察御史王守真乞出家為僧名法成於京兆西市疏鑿池

支分永安渠水注之以為放生之所穿池之際獲古石銘云云自隋朝置都市至其時正一百

年矣

百年為市後為池

漳泉分地神篆

開元中漳泉二州分疆界不均互訟於臺不能斷州官焚告山

川以祈神應俄而雷雨大至崖壁中裂所競之地拓為一徑高千尺深五里因為官道壁中有古篆六行二十四字皆廣數尺雖約此為界人莫能識貞元初流人李協辨之永安龍溪者兩郡界首鄉名也

漳泉兩州分地太平永安龍溪山高氣清千年不惑萬

古作程

含元殿丹石隱語

開元末含元殿火去基下出丹石上有隱語云云

天漢二年赤光生栗木下有子傷心遇酷

長安空宅銘篆

天寶中長安有凶宅扶風蘇退賃居之東牆下掘得一石上有

篆文因改名有德取其金怪息

夏天子紫金三十斤賜有德者

莆田石記

慶厯中張緯宰莆田得一石其文云云有大厯五年縣令鄭押字記今人

家用碑石書曰石敢當
三字鎮於門亦此風也

石敢當鎮百鬼壓災殃官吏福百姓康風教盛禮樂昌

符離樹穴中石篆

延陵包隰挽舟過符離西古樹下有穴一僕墜其中得一

石廣四寸有小篆云云其僕即名栲栳元和三年事也

旁有水上有道八百年中逢栲栳

淮西池濠石銘

元和十三年晉公喪度征淮西命人深池濠得一石上有雕出

大字為銘持以獻度咸不能究有一卒賀曰元濟成擒矣井底一竿竹竹色深綠綠者言吳少誠由行間一卒擁十萬兵為一方帥且喻其榮也雖未肥者無肉以肥去肉已字也酒未熟者

無水以酒去水酉字也障車兒郎謂兵革之士也且湏縮者謂宜退守其所也推是言之則已酉日當尅也苟未及期則可俟矣後冬十月生得元濟校其日果已酉焉擢卒為裨將

井底一竿竹竹色深綠綠雞未肥酒未熟障車兒郎且

湏縮

羅池石刻

柳子厚龍城錄云羅池北龍城勝地也役者得白石上微辨刻書云云

龍城柳神所守驅厲鬼山左首福土氓制九醜

道者遺記

太和中中有柳光者南遊入山岷中至一石室室有茵榻若人居者見一赤

合於地下有泉不盡尺舉庖以飲若甘醴盡十餘庖而已醉遂偃於榻及曉方寤視石壁有唯

刻文字極多遂寫其字歸望其室盡亡見矣光
究之不得有呂生者解之曰此乃得道者語也
唐氏之初建號武德武德之二年其歲己卯則
武之在卯也堯者高祖之號八季者亦二年也
我棄其寢我去其辰者言其去之時乃武德二
年也深深然高高然人不吾知又不吾謂者言
其隱而人不知也由今之後二百餘祀唐氏今
果二百餘矣燄燄其光謂歲在丁未也丁南方
之火未亦火之位也和和其始謂今天子建號
曰太和蓋元年也東方有兔小首元尾者叙君
之名氏東方甲乙木也兔者卯也卯以附木是
柳字也小首元尾是光字也經吾道來吾里言
君之來也飲吾泉以醉登吾榻而寐言君之止
也刻乎其辟興乎其義誰人以辨其東平子謂
其義與而隱獨吾能辨之
東平吾之邑也即又信矣

武之在卯堯王八季我棄其寢我去其扃深深然高高
然人不吾知又不吾謂由今之後二百餘祀燄燄其光
和和其始東方有兔小首元尾經過吾道來至吾里飲
吾泉以醉登吾榻而寐刻乎其辟奧乎其義人誰以辨
其東平子

王璠石銘

太和中王璠廉問丹陽溝其城得一石銘文云云數日有一叟謂璠之吏

審謂曰是不祥也公之先曰峯峯生礎是山有石也礎生璠是石有玉也璠之子曰瑕休是玉有瑕即休休者絕之兆推是而辨其絕緒乎至太和九年冬璠卒夷其宗果符叟之解

山有石石有玉玉有瑕即休也

玄元觀棟桁記

咸通元年李相福居守東都修玄元觀鐘樓棟桁中空鉅之內

有方寸木云云福曰上語指御名下即余之名也懿宗名漵

山水誰無言元年有福重修

天台觀石簡記

咸通十三年台州刺史姚鵠於天台山天台觀講堂後創老

君殿得石函中有玉簡上有文云云具以上聞敕宣付史館頒示四方

海水竭台山缺皇家寶祚無休歇

成都羅城北門石記

上有乾符三年高駢名銜餘字斷缺莫知其為何詩

也

五五復五五五逾重數浮世若浮雲金石一如故與
君相見時杳杳非今土

青羊宮輒記

傳宗中和二年成都行在青羊宮忽見紅光如毬入地穿得輒上有

古篆六字節度陳敬瑄以聞宣付史官賊平還京敕翰林樂朋龜撰記

太平平中元災

銅雀臺玉板篆

皇甫牧記曰故鄴都齊村民王敬之於銅雀臺下得一石匣長

尺有咫四傍及背隱起龍鳳翥及花葩之狀雕鏤奇詭殆非人工徐啓之中有白玉板上刻

大篆六行獻魏帥樂彥楨贊以東帛亦無能洞
達其隱詞者當曹氏石氏高氏之代斯則鄴之
王氣休運所鍾於是諸賢衆矣馬知不有陰觀
後代總括風雲幅裂山河之事而瘞玉以識之
今石既出其
事將兆矣

上土巴灰除虛除伊尹東北八九餘秦趙多應分五王
絲竹木子世世居但看六六百中外世主難留如國如

顯德道宮石記

顯德中世宗嘗營一道宮於皇城之西工人發得石一片上有

字云云後題道士任
守真記帝請之歎異

瑞雲靈跡鎮梁東他日多應與古同歲月遷移人事改

再來閑處又興功

南唐昇元殿基下石記

江南將亡數年前掘得此

莫問江南事江南事可憑抱雞升寶位跨犬出金陵子

建司南位安仁秉夜燈東鄰嬌小女騎虎渡河水

其後李煜

降於宋好事者云煜以丁酉年生辛酉年襲位即難也開寶八年甲戌江南國滅是跨犬也時曹彬為大將列柵城南潘美為副將城陷恐有伏兵命卒縱火于建彬也安仁美也東鄰謂錢俶俶以戊寅年入朝盡獻浙西土地人民故末二句云云末二句一作東鄰家道闕隨虎遇明興識者云家道闕謂無錢

馬殷浚城石碣篆

唐末劉建峰定長沙遣馬殷領衆浚城濠得石碣有古篆

十八其文云云解者以殷乾寧三年丙辰歲代
立乃龍舉頭也至乾祐辛亥歲亡乃猴掉尾也
殷子希範以己未歲生又以開運丁未歲薨乃
羊歸穴也又子希崇壬申歲生後為江南所俘
乃猴離
次也

龍舉頭猴掉尾羊為兄猴作弟羊歸穴猴離次

王霸仙壇甄刻

黃滔撰王審知福州造像碑云
梁時王霸於怡山上昇山在府

城之西五里光啟丁未歲衢之爛柯山道士徐
景立於仙壇東北隅取土掘得菱甌七口各可
容一升水其中悉有炭上總蓋一青甄刻文字
云云其壇東南有阜英樹古云真君於此樹上
上升其後枯矣至咸通庚寅歲
復榮茂為我公開閭之祥也

樹枯不用伐壇壞不須結末滿一千歲自有系孫列後來是三皇潮水蕩禍殃巖逢二乍間未免有消亡子孫

依吾道代代封閩疆

五代史補云潮蕩禍殃謂王潮除禍患開基也巖逢二乍間謂連帥

陳巖死潮取閩也代代明封崇不過潮與審知兩世也

劉龔石識

龔初開國營構宮室得石識有古篆十六其文云云

人人有一山山值牛兔絲吞骨蓋海承劉

人人有一大山人也山山出

也值牛者龔建漢國歲在丑也兔絲者歲龔位歲在卯也吞骨者滅諸弟也越人以天水為蓋海指宋國姓也承劉者言受

劉氏降也

南漢羅浮古劍篆文

南漢主劉龔時羅浮山掘得古劍有篆文云云

丁與水同宮王將耳口同尹來居口上山岫獲重重

解者

云宋太祖以丁亥年降誕是丁水同宮也於文耳口王為聖尹口為君重山為出蓋丁亥年而聖君出也

司馬承禎含象鑑文

天地含象日月貞明寫規萬物洞鑒百靈

龜自卜鏡自照吉可募光不曜

青蓋作鏡太吉昌巧工刊之成文章左龍右虎辟不祥

朱鳥玄武順於旁子孫富貴居中央

景震劍文

撫雷電運玄星摧凶惡亨利貞

乾降精坤應靈日月象岳瀆形

高麗鏡文

梁末帝貞明三年王建立為王市有
異人賣古鏡有文云云文人宋舍弘

解之曰三水中四維下上帝降子于辰馬者辰
韓馬韓也已年中二龍見一則藏身青木中一
則見形黑金東青木松也謂松岳郡人以龍為
名者之子孫可為君王也黑金鐵也指鐵圓謂
今王初盛於此殆終滅於此乎先操難後搏鴨
者王侍中得國後先得難林後收鴨綠之意也
弓裔令物色求異人東州勃
颯寺有鎮星塑像如其狀

三水中四維下上帝降子於辰馬先操雞後搏鴨已年中二龍見一則歲身青木中一則見形黑金東

京西市放生池墓銘

太平公主於京西市掘池贖水族之失水者置其中

謂之放生池
得墓銘云云

龜言市蒼言水

古墓卜地詞

開元中江南大水明皇詔侍御史鄔君載往廵見道旁有古墓水漬

其穴公命遷高原上既發墓得一

石有銘二十言乃卜地者之詞

爾後一千歲此地化為泉賴逢鄔侍御移我向高原

衛先生墓銘

衛先生大經解梁人以文學聞常聞門絕人事周知天文厯象窮冥

索玄後以壽終墓於解梁之野開元中大水姜師度奉詔鑿無鹹河以溉鹽田刻室廬漬丘墓甚多既至衛先生墓前發其地得一石刻字為銘蓋先生之詞也師度異其事命工人遷其河遠先生之墓數十步

姜師度更移向南三五步

隱者瘞男銘

李泌少時有隱者攜一男六七歲來過云有故須南行旬月當還此

男病疾願且寄之又留一函曰若疾不起望以此瘞之既許乃問男曰不驕留此得乎曰可遂去泌療之終不愈而殂即以此函瘞之其人竟不來發函視之有一黑石天然中方上有字如

錐畫

云云

神真鍊形年未足化為我子功相續丞相瘞之刻玄玉
仙路何長死何促

烏氏葬碑

烏重脩葬先世掘得石
碑云云重脩依而用之

牛領岡頭紅簫籠下葬用兩日手板相亞

巖腹棺銘

左衛將軍王果被責出為雅州刺史
於江中泊船仰見巖腹中有一棺臨

空半出銘云云果歎曰吾今葬此人

被責雅州固其命也乃收寔而去

欲墮不墮逢王果五百年中重收我

錄異記亦載此云
地裂山崩水漂我

臨及長江危欲墮欲墮不墮
遇王果五百年後改葬我

古棺石銘

建州刺史熊博初為建安津吏岸崩
得一古冢藤蔓纏其棺旁有石銘云

云博時貧為
率錢葬之

欲陷不陷被藤縛欲落不落被沙閣五百年後遇熊博

漣水古冢銘文

周顯德乙卯歲偽漣水軍使秦
進崇修城發一古冢棺槨皆腐

得一餅中更有一餅黃質黑文成隸
字云云其明年周師伐吳進崇死之

一雙青鳥子飛來五兩頭借問船輕重寄信到揚州

沈彬壙篆

彬臨終指葬處以示家人穴之乃一
冢未嘗葬人石燈臺上有漆燈一盞

塋頭有一銅

碑篆文云云

佳城今已開雖開不葬埋漆燈猶未滅留待沈彬來

廣陵古冢石刻

南唐保大中廣陵理城隍因及古冢得此或云李白詞也

日為箭兮月為弓四時躬人兮無窮但得天將明月死
不覺人隨流水空山川秀兮碧穹窿崇夫人墓兮直其
中猿啼鳥嘯煙濛濛千年萬年松柏風

王承檢掘得墓銘

王蜀秦州節度使王承檢築防蕃城至上邽山下獲瓦棺

內無屍唯有一片古肉色紅潤堅如鐵石舌上只有一齧髀中有一古錢有二蠅振然飛去片

石刻篆字開皇二年渭州刺史張崇妻夫人王氏墓也其銘云云是歲偽乾德六年丙子歲合

郎即王承

檢小字

車道之北邙山之陽深深葬玉鬱鬱埋香刻斯貞石煥
乎遺芳地變陵谷嶮列城隍乾德丙午壞者合郎

馬希振葬地碣

希振亦殷之子清泰中卒葬長沙之陶浦掘得石碣其文云云

蓋馬氏諸王雖於周廣順辛亥歲遷於江南然其國變實在康成故也

亂石之壤絕世之岡谷變康成馬氏無王

御定全唐詩卷八百七十五

欽定四庫全書

集部

御定全唐詩卷八百七十八至

詳校官庶吉士_臣何道沖

主事銜_臣徐以坤覆勘

總校官知縣_臣繆琪

校對官學正_臣卜惟吉

謄錄監生_臣戴瑛

欽定四庫全書

御定全唐詩卷八百七十六

二賀詩

越州賀德仁少與從兄德基咸以詞學見稱時人語曰

學行可師賀德基文質彬彬賀德仁

四王語

江王元祥性貪鄙為人吏所患時滕王元嬰將王暉號王鳳亦稱貪暴有授得

其官府者以比萌南慈處為之語曰

寧向儋崖振白不事江滕蔣號

時人為屈突語

屈突通初事隋為右武侯車騎將軍奉公正直雖親戚犯法無

所縱舍弟蓋為長安令亦以
嚴整知名時人為之語曰

寧食三斗艾不見屈突蓋寧服三斗蔥不逢屈突通

楊刺史語

楊德幹歷澤潯汴相四州刺史治有威名郡人為之語曰

寧食三斗蒜不逢楊德幹

萬年人語

惟懷恩為萬年令賞罰嚴明見惡輒取時語曰

寧飲三斗塵無逢權懷恩

贊皇人語

贊皇李太沖太宗時為禮部郎中名冠宗族鄉人語云云孝端太沖族兄

也

太沖無兄孝端無弟

高宗時語

間立本善畫為右相姜恪以邊將立功為左相時人語云

左相宣威沙漠右相馳譽丹青 三館學生放散五臺

今史經明

時以年饑放國子學生歸又限今史通一經人續之云云

時人為李義甫語

義甫為權其子津洽洋墻柳元貞四人皆憑恃受職義甫

敗竝除名長流時

人為之語云云

今日巨唐年還誅四凶族

洛州語

初高宗時賈敦頤為洛州刺史有政績神龍中仁愿為洛州長史皆一時之最

故時人

語曰

洛州有前賈後張可敵京兆三王

江淮間語

安陸郝處俊與其舅許圉早同州里俱秉鈞衡又其鄉人田氏彭氏以殖

貨見稱有彭志筠者顯慶中嘗上表請以家絹布二萬段助軍授奉義郎故江淮間語云云

貴如許郝富若田彭

河北語

武懿宗封河內郡王安撫河北民陷契丹來歸者懿宗總殺之流血盈前不顧

初契丹別帥何阿小陷冀州多屠害士女至是人以懿宗暴忍似之為之語曰

唯此兩何殺人最多

李昭德為王弘義語

則天時王弘義告變拜御史嘗於鄉里求旁舍瓜

主客之義乃狀言瓜園中有白兔奉
敕捕逐斯須苗盡內史李昭德曰

昔聞蒼鷹獄吏今見白兔御史

京洛語

許欽明與郝處俊鄉黨親族兩家子弟
類多醜陋而盛飾車馬以遊里巷京洛

為之
語曰

衣裳好儀貌惡不姓許即姓郝

臺中語

則天時夏官侍郎侯知一年老敕致
仕上表不伏於朝堂踴躍馳走以示輕

便張悰丁憂自請起復吏部主事高筠母喪親
戚為舉哀筠曰我不能作孝員外郎張栖貞被

訟詐遭母憂不冝起

對臺中為之語曰

侯知一不伏致仕張宗自請起復高筠不冝作孝張栖

貞情願遭憂

吏人語

尹思貞為司府少卿清剛難犯時卿侯知一亦厲威嚴吏人語云

不畏侯卿杖惟畏尹卿筆

選人語

石抱忠檢校天官郎中與侍郎劉奇張詢古同知選抱忠素非靜慎奇久著清

平詢古通婚名族將分鈴時人語曰

有錢石上好無錢劉下好士大夫張下好

碩學師劉子儒生用與言

抱忠復與許子儒同知選奇以公清稱抱忠師範子儒頗

仕令吏勾直每注官呼曰勾直乎時人又為此語云

今年柿子并遭霜為語石榴須早摘

選人為奇與抱忠摘柳者復為此語

後兩人同棄市

韋氏語

韋承慶罷相除禮部尚書嗣立繼為鸞臺侍郎平章事時人語曰

大郎罷相小郎拜相

益州人吏語

杜景儉為益州錄事參軍時隆州司馬房嗣業除益州司馬除書未

到即視事答僚吏示威景儉規其未可嗣業怒景儉叱左右令罷散俄有剗除荊州竟不如志

人吏為

之語曰

錄事意與天通益州司馬折威風

天授中語

杜景儉為司刑丞與徐有功及來俊臣侯思止理刑獄時人稱之云

遇徐杜者必生遇來侯者必死

時人為鄒昉語

鄒駱駝長安人先貧賣蒸餅於勝業坊鏤得金數斗於是巨富

其子昉與蕭佺駝

馬遊時人語曰

蕭佺駝馬子鄒昉駱駝兒非關道德合只為錢相知

題張昌儀門語

昌儀恃易之昌宗之寵所居奢溢適於王者末年有人題其門

云云昌儀見之命筆續其
下曰一日即足未幾及禍

一兩絲能得幾時絡

時人號李知遠語

知遠知選胥吏肅然飲迹時人號云

李下無蹊

又號李乂語

乂典選事請謁不行時人又語云

李下無蹊徑

竇僕射語

竇懷貞為御史大夫諂附韋庶人庶人乳母王氏本蠻婢嫁為懷貞妻俗

謂乳母婿為阿奢懷貞每疏列官位必曰皇后阿奢時人或以國奢呼之了無慙色庶人敗復

附太平公主累拜尚書左僕射睿宗為金仙玉
真二公主創立兩觀贊成其事躬自監役時人

為之

語曰

竇僕射前為韋氏國奢後作公主邑丞

時人為崔無詖語

崔無詖韋后中表為衛尉卿
時中書令蕭至忠甚承中宗

恩顧無詖婚至忠女后為女家中宗
為兒家供擬甚厚時人為之語曰

皇后嫁女天子娶婦

神龍中語

崔日用冉祖雍鄭愔趙履溫李愔等
共託武三思權熏炙中外天下語曰

崔冉鄭亂時政

斜封官語

初姚元之宋璟知政事奏請傳中宗朝斜封官數千員及元之等出為刺史

太平公主又特為之言有敕總令復舊職右率府參軍柳澤上疏諫引人語云

姚宋為相邪不如正太平用事正不如邪

李處郁語

幽州都督孫佺五月北征軍師李處郁諫不從師果敗

殮若入咽百無一全

殮音孫山東人謂湮飯為殮幽州以北並為燕地故云

景雲初語

盧從愿為吏部侍郎典選六年頗有聲稱時人語云云襄即行儉馬謂戴

李謂朝隱也

前有襄馬後有盧李

先天時京中語

姜師度於長安城中穿渠堰水授司農卿於後水漲則奔突水

縮則竭涸開黃河向棣州所費不貲仍苦淹漬又役夫塞之以為功官品益進時有傳孝忠為太史令自言明玄象尚行矯誦京中語云云神武即位竝斬之

姜師度一心看地傳孝忠兩眼相天

一作傳孝忠兩眼看天姜師度一心

穿地

時人號王丘崔沔語

丘與沔竝掌吏部時人為之語曰

丘山岌岌連天峻沔水澄澄徹底清

吏部過官語

侍中裴光庭以主事間麟之為腹心尚主吏部過官每麟之裁定光

庖隨口下筆

時人語曰

麟之口光庭手

郇公廚語

韋陟襲父安石封郇國公廚中飲食香味錯雜人或入其中多飽飯而歸

俗語云

人欲不飯筋骨舒黃緣須入郇公廚

四俊語

開元時張嘉貞為相所薦中書舍人苗延嗣呂太一考功員外郎員嘉靜侍御

史崔訓皆位清要日與議政事故當時語云云

令君四俊苗呂崔員

八友語

趙驊少與殷寅顏真卿柳芳陸據蕭穎士李華邵軫友時為語云云謂能全其

交也

殷顏柳陸李蕭邵趙

羅吉口號

明皇朝侍御史羅希夷吉溫附李林甫相勗以虐時號云

羅鉗吉網

里閭詛語

明皇時御史王旭李嵩李全交竝尚履酷京師號黑赤白三豹里閭至相

詛曰

若違教值三豹

陝州語

盧無為陝州刺史以嚴毅聞州民多有謠祀者民相語云云後明皇擢為兵部

侍郎

不須賽神明不必求巫祝爾莫犯盧公立便有禍福

真源邑語

真源多豪猾大吏華南金樹威恣肆邑中語云云張巡調令真源下車以

法誅之

南金口明府手

稱二王語

王右丞維及弟縉以科名文學冠絕當代時人云

朝廷左相筆天下右丞詩

代宗朝京師語

元載專權事以貨成及常袞為相雖賄賂不行而介辭自專失於

分別故是時

京師語曰

常無分別元好錢賢者愚愚者賢

戲諫司語

李泌相德宗奏請罷拾遺補闕上雖不從亦不授人諫司惟韓皋歸登而

已泌仍命收其署餐錢令登等寓食於中書舍人故時戲云

韓諫議雖分左右歸拾遺莫辨存亡

裴度語

度不信術數不好服食每語人云

雞豬魚蒜逢著則喫生老病死時至則行

魏博語

魏牙軍起田承嗣募軍中子弟為之父
子世襲悍驕不顧法令更易節帥不嫌

意輒害之厚給廩姑
息不能制時語云云

長安天子魏府牙軍

寶曆宮中語

寶曆二年浙東貢舞女二人一日
飛燕一日輕鳳修眉點首蘭氣融

治帶輕金之冠環玉芙蓉為頂羅衣無縫而成
歌一發如鸞鳳音舞態豔逸非人間所有上歲
之金屋寶帳由
是宮中語曰

寶帳香重重一雙紅芙蓉

京師人號牛楊語

牛僧孺與楊虞卿兄弟驅駕
輕薄有不附已者潛被瘡痛

京師為
之語云

太牢筆少牢口東西南北何處走

太牢僧孺少
牢虞卿也

又號牛李

門生故吏不牛則李

李謂宗
閔也

荆南語

段文昌帥荆南州或旱禳解必雨
或久雨遇出遊必霽民為語曰

旱不苦禱而雨雨不愁公出遊

鄭仁表自語

仁表豪爽以門閥
文章自高嘗云

天瑞有五色雲人瑞有鄭仁表

湖蘇二郡語

南部新書咸通末鄭渾之為蘇州督郵譚鉢為嵯院官鍾輻為院巡

皆廣文生時湖州牧李超趙蒙為代俱狀元及第二郡人為語曰

湖接兩頭蘇聯三尾

廣明初都人語

黃巢未入京師都人以黃米及黑豆屑蒸食之因有此語

黃賊打黑賊

吏部舊語

吏部故事放長勝舊語云

長名以前選人屬侍郎長名以後侍郎屬選人

省中語

後行祠屯不博中行都門中行禮部

一作刑戶

不博前行駕

庫

郎吏語

尚書郎吏兵部為前行司門都比屯曰虞水膳部主客皆在後行閑簡無事語

曰

司門水部入省不數

諫院臺省語

諫院以章疏之故憂患略同臺中則務亂舉省中多事旨趣不一故

云

遺補相惜御史相憎郎官相輕

御史臺語

御史故事監察院長
與同院禮隔語曰

事長如事端

京兆府語

京兆府兩縣引馬到府門傳門而報
兩尹入廳大尹亦到廳不得候兩尹
坐後出不得候
兩尹立後出

不立兩縣令不坐兩少尹

翰林諫議語

唐稱翰林為坡諫議大夫亦稱坡
諫議大夫班本在給舍上其遷轉
則諫議歲滿方遷給事中自
給事中遷舍人故當時語云

饒道斗上坡去亦須却下坡來

舉子語

舉子七月後即於諸州府拔解人為語曰

槐花黃舉子忙

明經進士語

三十老明經五十少進士

言其艱難也

雜帖語

常家為禮部放雜文過者常不百人鮑防為禮部帖經落人亦甚時謂云

常雜鮑帖

閩人語

歐陽獨步藻蘊橫行

謂歐陽詹及林藻林蘊相繼登第也

舉場語

太和中李宗閔牛僧孺輔政引楊虞卿為右司郎中弘文館學士待之尤厚歲

舉選者皆走門下無不得所欲當時其黨有蘇景胤張元夫而虞卿兄弟汝士漢公尤為人所

奔向故語曰

欲入舉場先問蘇張蘇張猶可三楊殺我

大中後進士語

大中後進士尤盛李都崔雍孫瑄鄭嵎四君子蒙其盼睐者多

進升故曰

欲得命通問瑄嵎都雍

大中時語

宣宗朝崔鉉秉政所善者鄭魯楊紹復段瓌薛蒙頗參議論時人語如此

帝聞書之於展

鉉卒以此罷

鄭楊段薛炙手可熱欲得命通魯紹瓌蒙

一作魯紹瓌蒙識即合通

選舉人語

大中咸通中盛傳崔慎由相公常寓尺題於知聞故選舉人為此語

王凝裴璣舍弟安潛朝中無呼字知聞廳裏絕脫韡賓客

科目舉人語

太平王崇實賢二家率以科目為資足以升沈後進故科目舉人相

謂曰

未見王實徒勞漫走

戲杜審權語

審權知舉放盧處權人戲語云

座主審權門生處權

崔沆放榜時人語

沆放崔沆時人語云

座主門生沆瀣一家

唐末五代人語

唐末五代權臣執政公然交賂科第差除各有等差故當時語

云

及第不必讀書作官何須事業

號沈宋語

建安後訛江左詩律屢變至沈約庾信以音韻相婉附屬對精密及沈佺

期宋之問又加靡麗回忌聲病約句準篇如錦
繡成文學者宗之號為沈宋語云爾舉蘇武李

陵與沈宋
並稱也

蘇李居前沈宋比肩

號錢郎語

錢起能詩與郎
士元齊名語云

前有沈宋後有錢郎

潘何詩賦語

咸通中湘南何涓瀟湘賦
潘緯古鏡詩天下傳之曰

潘緯十年吟古鏡何涓一夜賦瀟湘

魏薛草書語

魏徵之子叔瑜善草以筆意傳
其子華及甥薛稷世稱之云

前有虞褚後有薛魏

薛稷書語

稷善書師褚河南時語云

買褚得薛不落節

時人為劉畢語

劉商官為郎中愛畫松石樹木格性高邁時有畢庶子亦善畫

松樹木石

時人云

劉郎中松樹孤標畢庶子松根絕妙

時人為黃筌語

筌善寫花竹翎毛於孟昶殿畫六鶴因目其殿為六鶴殿當時

稱歎為

語曰

苗登畫鶴薛稷減價

時人為楊惠之語

惠之不知何處人唐開元中與吳道子同師張僧繇筆迹

號為畫友巧藝並著而道子聲光獨顯惠之遂都焚筆研毅然發憤專肆塑作能奪僧繇畫相

與道子爭衡時人語曰

道子畫惠之塑奪得僧繇神筆路

道傑語

武德中蒲州栖巖寺釋道傑遊并晉講肆難擊能令人流汗并州人語曰

大頭傑難殺人

馬周疏引俚語

貧不學儉富不學奢

杜甫引俚語

城南韋杜去天尺五

孫光憲瑣言引古語

乘船走馬去死一分

好事不出門惡事行千里

杜重威引俚語

逢賊得命更望複子

建安語

成都距長安才二千里每歲隨計求名者甚鮮建安之貢無歲無之故曰

龍門一半在閩川

江陵語

江陵在唐世號衣冠藪澤時人稱云

琵琶多於飯甑措大多於鯽魚

汾晉間語

欲作千箱主問取黃金母

謂多稼厚畜耕上所致也

秦中兒童語

顛當窠深如蚓穴網絲其中土蓋與地平大如榆莢常仰捩其蓋伺

蠅蠖過輒翻蓋捕之纒入復閉與地一色竝無絲隙可尋其形似蜘蛛爾雅謂之王蛛蜴鬼谷

子謂之蛛母秦

中兒童語曰

顛當牢守門螭螭寇汝無處奔

螭螭即螺贏銜蟲子祝之化為巳子

滄洲語

滄洲有金蓮花形似蝶每微風則搖蕩如飛婦人采為首飾鄉語曰

不戴金蓮花不得到仙家

段成式酉陽雜俎引古語

三守庚申三尸伏七守庚申七尸滅

佛書引語二

停囚長智

赤脚人趁兔著韉人喫肉

御定全唐詩卷八百七十六

欽定四庫全書

御定全唐詩卷八百七十七

中宗引諺

景龍三年十一月十三日乙丑冬至時有請改就十二月甲子為吉者侍

御史唐紹太史令傅孝忠引歷爭帝引諺以為不可竟從紹等議

冬至長於歲

賈言忠引諺

高宗遣李勣伐高麗侍御史賈言忠計事還帝問軍中云何言忠以

為男生兄弟閭牆為我鄉導師必克引此

軍無媒中道回

一作賊無厯底中道回

李勣引諺別張文瓘

千里相送終於一別

路勵行引諺

一人在朝百人緩帶

郝南容引諺

三公後出死狗

員莊諺

員丰千莊在焦戴川北枕白鹿原蓮塘竹徑茶醵架海棠洞會景堂花塢藥畦

碾磨麻稻壟塍

鱗次里諺曰

上有天堂下有員莊

婁師德引諺

卒客無卒主人

臺中諺

殿中侍御史新入知右廵已次知左廵所主繁劇及違向上則又入推益為勞

屑惟其中間則入清閑故臺中諺云

免廵未推只得自知

宋守敬引諺

守敬清謹老任龍門丞竟登岳牧每勉人但守清勿憂不遷引此云

仕宦亦無休勢也

雙陸無休勢

雒谷諺

雒谷中有地名白草
諺洞皆難行故諺云

諺洞入黃泉

三門諺

唐時漕經底柱入三門每雇平陸人為
門匠執標指麾一舟百日乃能上覆者

幾半故諺云云
謂皆溺死也

古無門匠墓

張果引諺

明皇欲以玉真公主降
果果先知之引此以辭

娶婦得公主平地生公府

哥舒翰引諺

初翰與安祿山素不平明皇令高力士和解之翰引此語祿山言已

與祿山族類本同不敢忘本也

狐向窟嗥不祥

代宗引諺

郭曖與昇平公主琴瑟不調父子儀拘曖待罪代宗引諺慰之

不癡不聾不作阿家阿翁

家音姑

鬼門關諺

容州北流縣南三十里有兩石對立相去三十步遷謫至此者罕得生還

俗號鬼門

關唐諺云

鬼門關十人去九不還

河北諺

梁將侍中葛從周有殊功鎮青社人為語曰

山東一條葛無事莫撩撥

李振引諺

百歲奴事三歲主

王彥章引諺

人死留名豹死留皮

孫光憲北夢瑣言引諺

小舅小叔相追相逐

諺

棗子塞鼻孔懸樓閣却種

蟬鳴蛭螫喚黍種焦糜斷

甯茵事諺

鵲鳩樹上鳴意在麻子地

一作意在麻畝裏

鷓鴣諺

鷓鴣不打脚下塘

鷓鴣能沒水捕魚棲宿之處雖水深魚多未嘗犯

鹽鐵諺

唐世鹽鐵轉運使在揚州盡筦利權商賈如織天下之盛揚為首而蜀次之故

諺
曰

揚一益二

馮翊諺

馮翊朝邑縣許原下地有苦泉羊飲之肥而肉美號為沙苑細肋羊諺曰

苦泉羊洛水漿

丹徒諺

生東吳死丹徒

吳多產出可攝生自奉養丹徒土堅緊如蠟可葬

湖州里諺

唐末五代天下皆被兵獨湖州獲免其時語云

放爾生放爾命放爾湖州做百姓

益陽諺

益陽在長沙郡界去長沙三百里縣治東望時見長沙城郭人物影其土諺曰

長沙益陽一時相印

昭潭諺

昭潭山下有潛穴通洞庭水深不測諺云

昭潭無底橘洲浮

江右四郡諺

筠袁贛吉腦後插筆

言好訟也

徐聞諺

徐聞縣冬耕夏收名再熟彼中諺云

欲拔貧詣徐聞

隴西諺

郎驅女驅十馬九駒安陽大角十牛九犢

謂其地宜於畜牧也

荆棺峽諺

峽壁有棺以荆為之相傳人有九子不能葬女編荆為棺度之此土人諺

云

九子不葬父一女打荆棺

南中諺

秋收稻夏收頭

謂婦人截髮而貸歲以為常也

事狐神諺

唐初以來百姓多事狐神房中祭祀以乞恩食飲與人同之事者非一主

當時有

諺曰

無狐魅不成村

李哲家怪引諺

一雞死一雞鳴

俗諺

白日無談人談人則害生昏夜無說鬼說鬼則怪至

李白名許雲封謎

雲封任城人工笛是李暮外孫天寶初生一月暮抱詣李

白乞名白方坐旗亭命酒醉書兒臂前云云暮不解白曰樹下人是木子木子李字也不語是

莫言莫言暮也。好是女子。女子外孫也。語及日中。是言午言午。是許也。煙霏謝成寶。是雲出封中。乃是雲封也。即李暮外孫許雲封也。

樹下彼何人不語。真吾好語。若及日中煙霏謝成寶。

許氏碑陰謎

宜興縣有後漢許識碑。開元中許氏孫重立。刻八字碑陰。邑宰徐延

休解之曰。談馬為言午。許也。礪畢為石卑碑也。王田乃千里重字。數七乃六一立字。言許碑重也。

談馬礪畢王田數七

大明寺辟語

今猗絢鎮淮海。日支使班蒙與從事俱遊大明寺。寺西廊前辟有題。

語諸賓幕顧之莫能辨獨班蒙曰一人豈非大
宇乎二曜日月非明宇乎尺一者十一寸非寺
宇乎點去冰水宇二人相連天宇不欠一邊下
宇三梁四柱而列火然無宇兩日除雙勾比宇
得非大明寺水天下
無比乎衆皆恍然

一人堂堂二曜同光泉深尺一點去冰傍二人相連不
欠一邊三梁四柱列火然除却雙勾兩日全

曹著與客謎

著有機辨客欲試
之與作謎云云

一物坐也坐臥也坐行也坐

客著應聲曰
在官地在私地

一物坐也臥立也臥行也臥走也臥臥也臥

客著
能對客曰

我謎吞得你

謎客大慙

客題青龍寺門

青龍寺有客嘗訪知事僧屬遇有要地朝客慢之題其門云云

一沙彌解之曰龕字去龍合字時字隱日寺字敬丈不在苟字碎石入沙卒字此不遜之言屏

我曹矣追訪杳無迹沙彌乃懿皇朝雲皓供奉也

龕龍去東海時日隱西斜敬文今不在碎石入流沙

陶穀題南唐官舍壁

穀使南唐題此宋齊丘解云十二字包四字云獨眠

孤館撫遺以為

驛中女鬼所書

西川狗百姓眼馬包兒御厨飯

謝小娥夢盜姓名

洪州謝小娥同其夫隨父行賈為盜所殺求盜不得夢父

及夫告以謎語十二字徧叩人不能解元和八年臘西李佐判洪州過而聞其事解之曰車中猴禾中走竝申字門東草為蘭一日夫為春盜應申蘭申春也娥依言說為男子求得二人江上備其家偵得已家物而驗因殺蘭并擒春告官抵法還洪州為尼

車中猴門東草禾中走一日夫

御定全唐詩八百七十七

欽定四庫全書

御定全唐詩卷八百七十八

牛口謠

豆入牛口勢不得久

竇建德未敗時有此謠後果於牛口谷為太宗所擒

高昌童謠

貞觀十四年交河道行軍大總管侯君集伐高昌滅之先是其國中有童

謠如此國王文泰使人捕其初唱者不能得也

高昌兵馬如霜雪漢家兵馬如日月日月照霜雪回首

一作

自消滅

一本無二馬字

咸亨後謠

莫浪語阿婆嗔三叔聞時笑殺人

其驗為則天即位孝和嗣之阿婆者則天

也三叔者孝和為第三也

調露初京城民謠

側堂堂挽堂堂

堂言唐也側者不正挽者不安再言堂者唐再受命之象

嵩嶽童謠

調露中高宗欲封中嶽屬突厥叛而止後欲封吐蕃人寇復停永淳年又

幸嵩嶽至山下未及行禮遇疾還至宮而崩先是童謠云

嵩山凡幾層不畏登不得只畏不得登三度徵兵馬傍

道打騰騰

李敬玄謠

中書令李敬玄為元帥討吐蕃聞前軍沒狼狽而走王果曹懷舜等並驚

退時軍中謠曰

洮河李阿婆鄯州王伯母見賊不敢鬪總由曹新婦

永淳中童謠

永淳元年七月東都大雨人多殍殍先是童謠曰

新禾不入箱新麥不入場迨及八九月狗吠空垣牆

楊柳謠

楊柳楊柳漫頭陀

永淳後天下皆唱此後徐敬業出為柳州司馬作偽敕自授揚州司馬起

兵討武氏李孝逸擒之斬首驛馬馱入洛

裴炎謠

炎為中書令時徐敬業欲反令駱賓王畫計取炎同起事賓王乃為此謠炎訪

學者令解之賓王北面拜曰此真人矣遂與敬業等合謀起兵炎從內應則天因誅炎

一片火兩片火緋衣小兒當殿坐

武后長壽元年民間謠

則天時選舉大濫天下有是謠舉人沈全交取

而續之御史紀先知劾其誹謗之罪太后笑曰但使卿輩不濫何恤人言先知大慙

補闕連車載拾遺平斗量攫槌侍御史

攫一作杞齊魯謂凹齒杞曰攫

盃脫侍中郎

續謠

評事不讀律博士不尋章糊心宣撫使眯目聖神皇

天樞謠

一條麻索挽天樞絕去也

長壽三年天后於定鼎門內立述德天樞民因作謠明皇

即位敕令推倒收銅入上方比其驗也

武后時謠

張公喫酒李公醉

張公者斥易之兄弟也李公者言李氏也

武后時童謠

紅綠複帟長千

一作十

里萬

一作五

里香

神龍後烏鵲窠謠

山南烏鵲窠山北金駱駝鏤柯不鑿孔斧子不施柯

五行

去云山南唐也烏鵲窠者人居寡也山北胡也金駱駝者虜獲而重載也鏤柯斧子者言突厥強盛百姓不得所桑養蠶種禾刈穀也

吏部謠

崔湜與岑羲鄭愔並為吏部賊汚狼籍京中為之謠曰

岑愔獠子後崔湜令公孫三人相比校莫賀咄骨渾

黃犢子謠

景龍中民謠時人有阿韋娘歌

黃犢子挽紉斷兩脚蹋地鞋襦斷
一本此下又有城南黃犢子韋一句

安樂寺童謡

可憐安樂寺了了樹頭懸

景龍中安樂公主於洛州造安樂寺制擬宮掖用錢數百

萬童謡云云後誅逆韋并殺安樂斬首懸竿上

鯉魚兒謡

可憐聖善寺身著綠毛衣牽來河裏飲蹋殺鯉魚兒

景龍

中民謡後燕王從均州入都作亂敗走投洛川而死

羊頭山謠

山在潞州南六十里景龍二年明皇為別駕臨潞州有童謠云

羊頭山北作朝堂

金橋童謠

聖人執節度金橋

橋在潞州南二里明皇於景龍三年十月二十五日由此橋朝京師

天寶中京兆謠

天寶中李峴為京兆尹甚得人會連雨六十餘日楊國忠以

其災歸咎峴出為長沙太守時京師米麥踊貴百姓為謠云

欲得米麥賤無過追李峴

一作欲粟賤追李峴

天寶初語

天寶初楊貴妃常以假鬢為首飾而好服黃帶時人為之語曰

義髻拋河裏黃裙逐水流

楊氏謠

天寶十載上元節楊氏五宅夜遊與廣寧公主騎從爭西市門楊氏奴揮鞭致

公主墮馬駙馬程昌裔扶救因及數擡上今決殺楊氏奴一人亦罪昌裔停官於是楊家轉橫京師長吏為之側目故當時謠曰

男不封侯女作妃君看女却是門楣

神雞童謠

賈昌七歲解鳥語音明皇選為雞坊五百小兒長甚愛幸之父死縣官為

葬器喪車乘傳洛陽道當時天下號神雞童為之語曰

生兒不用識文字鬪雞走馬勝讀書賈家小兒年十三

富貴榮華代不如能令金距期勝負白羅繡衫隨輦輿
父死長安千里外差夫治道輓喪車

燕燕謠

安祿山未反時有此二謠

燕燕飛上天天上女兒鋪白氍毹上有千錢

幽州謠

舊來誇戴竿今日不堪看但看五月裏清水河邊見契

丹

青瑣高議又載一謠云山上一羣鹿大鹿來相逐啼殺澗下羊都被豬兒觸

兩京童謠

不怕上蘭單惟愁答辨難無錢求案典生死任都官

天寶

祿山之亂士庶多投身於僞庭先是兩京童謠有此後克復之日朝士繫三司獄鞠問家產罄盡骨肉分散生

死無路

兩頭朱童謠

一隻箸兩頭朱五六月化為膽

此為朱泚謠也後果於六月兵敗而死

打麥謠

打麥麥打三三三

既而旋其袖曰

舞了也

元和九年六月三日盜殺宰相武元衡先

是長安中有此謠解者以為打麥刈麥時也麥打謂暗中突擊也三三三謂六月三日也舞了謂元衡死也

張權輿作裴度偽謠

長慶中度為李逢吉所構罷相敬宗立欲復用之逢

吉大懼其黨張權輿作偽謠欲以傾度天子明其誣卒相度

非衣小兒坦其腹天上有口被驅逐

馬僕射謠

齋鐘動也和尚不上堂

馬僕射既立功業頗有陶侃之志客有揚其意者先著此謠於

軍中因託言善相者云公相非人臣豈不聞謠乎和尚公之名齋鐘動謂時至不上堂不自取也馬因具寶物直數十萬令通田悅為用客一去不知所之馬始悔焉

咸通七年童謠

草青青被嚴霜鵲始巢復看顛狂

咸通十四年成都謠

咸通癸巳出無所之蛇去馬來道路稍開頭無片瓦地

有殘灰

是歲歲陰在巳明年在午巳蛇也午馬也

乾符六年童謠

八月無霜塞草青將軍騎馬出空城漢家天子西巡狩
猶向江東更索兵

僖宗時童謠

金色蝦蟆爭努眼翻却曹州天下反

王仙芝反於曹州黃巢繼之此謠之

應

黃巢軍中謠

逢儒則肉師必覆

初巢軍中有此謠巢入閩俘民給稱儒者皆釋之

中和初童謠

黃巢走泰山東死在翁家翁

黃巢未敗前有此謠後敗走泰山至狼虎谷為其下

所殺其死處

民家果姓翁

山陰老人偽謠

董昌時有山陰縣老人偽上言曰願大皇帝於越三十年前已

聞謠言故來獻昌得
之大喜因借偽號

欲識聖人姓千里草青青欲識聖人名日從日上生

胡楚賓謠

唐秋浦詩人有胡楚賓顧雲張喬伍喬殷文圭諸人楚賓文思甚敏必酒

中下筆當時有謠云

胡楚賓李翰林詞同三峽水字值雙南金

後唐軍士謠

除去菩薩扶立生鐵

潞王之入洛許賞軍士人錢百緡後不能給賞錢二十緡軍士猶怨望

乃為此謠以閔帝仁弱潞王剛嚴有悔心故也

周顯德中齊州謠

蹋陽春人間二月雨和塵陽春蹋盡西風起腸斷人間

白髮人

天祐中江南童謠

東海鯉魚飛上天

李昇初為徐溫養子冒徐姓名知詰後繼溫為南唐東海徐氏之望鯉李

也

真人謠

唐末民間有此謠元宗因名其子為弘冀以應之

有一真人在冀川開口持弓向外邊

一本此下又有子孫孫萬萬年一

句

李後主童謠

索得娘來忘却家後園桃李不生花豬兒狗兒都死盡

養得貓兒患赤瘕

南唐近事解此謠云娘為李主再娶周后豬狗死謂祚盡戊亥年赤瘕目

病貓有目病則不能捕鼠謂不見丙子之年也

秦人竹貓謠

貓貓引黑牛天差不自由但看戊寅歲揚在蜀江頭

王氏

見聞云竹貓食竹之鼠肉肥脆生深山竹林無人境岐梁睚眦之年此物徧入人家房內秦人口腹飲焉忽有

童謠云云智者不能議之庚午歲梁劉知俊叛梁入秦岐王以為涇州節度知俊為人色黑而其生歲在丑緇者劉也始知緇緇引黑牛之應後奔蜀王建用之今反攻岐有功竟忌而殺之歲戊寅建不豫見劉為祟因粉劉骨投之江其言揚在蜀江頭亦驗云

蜀人謠

建陰忌劉知俊材蜀人亦共嫉之建諸子皆以宗承為名乃於里巷搆為謠言

云云建慮為子孫害並惡之故殺知俊

黑牛無繫絆椶繩一時斷

一作黑牛出園椶繩斷

秦城芭蕉謠

花開來裏花謝也裏

天水地寒不產芭蕉戎帥亭臺有二本入冬即埋藏於地窟候春再

植之庚午辛未間有童謠云云時節氣變而不寒芭蕉
花開蜀人犯封疆年年一來不失芭蕉開謝之候自隴
之西竟為蜀有蓋劍外
節氣先布於秦城也

蜀童謠

我有一帖藥其名曰阿魏賣與十八子

蜀王衍時有此謠
乾元末衍兄

宗弼果賣國歸唐而宗弼乃
王建養子本姓魏氏皆驗

蜀中埽地和尚

水行仙怕秦川

王建據蜀之後有一僧常持大帚每過
即汛埽人以埽地和尚目之埽畢輒寫

二語其後王衍果有秦
川之禍水行仙衍字也

福州謠

騎馬來騎馬去

王潮以光啓二年丙午拜泉州刺史至晉開運二年丙午南唐滅王氏謠之驗也

閩人謠

風吹楊菜鼓山下不得錢郎戈不罷

王審知時有此謠後延羲延政兄弟

相攻國中大亂忠獻王錢佐時年十九遣兵伐之敗淮將楊業蔡遇等盡取福州之地鼓山福州山名

廣州童謠

羊頭二四白天雨至

後宋師以辛未年二月四日平南漢羊未之神天雨者王師如時雨

之義

桂管童謠

大蟲來湖南馬殷命其將李勲擊南越拔桂管十八城
勲勇壯絕倫人號曰李老虎先是桂管兒童每
聚戲呼大蟲
來至是果驗

湖南童謠

湖南城郭好長街
竟栽柳樹不栽槐
百姓奔竄無一事

只是椎芒織草鞋

初馬氏城中街道多種槐樹柳無一
二希芻逐希廣自代之初皆變為種

柳無復有槐又居人夜織草鞋槌芒聲聞郊野俄有童
謠四句人無少長皆誦之未幾國亂民竄死者十七八

槐言懷兄弟尋戈失孔懷之義草鞋遠行所用言百姓之奔竄也

長沙童謠

鞭打馬馬急

一作須

走

楚王馬希萼為其弟希崇所篡希萼於衡山自立為王希崇求救於

吳吳遣將邊鎬來伐希崇將拒之或以童謠為諫不得已降鎬馬氏遂舉族入吳

湘中童謠

馬去不用鞭
齧牙過今年

江南將邊鎬下長沙既遷馬氏之族朗州衡將劉言復為

亂襲鎬鎬遁歸謠言鞭邊也

長沙童謠

三羊五馬馬子離羣羊子無舍

或問龐巨昭湖南與淮南國祚長短巨昭曰吾

入長沙聞童謠云云自今以後馬氏當五主楊氏當三主後皆如其言

丹陽語

待錢來待錢來

丹陽民常有此戲語後錢鏐授鎮帥潤州刺史遂據有錢塘乃其應也

遼述律后謠

青牛嫗曾避路

遼太祖后述律氏生而有雄畧嘗至遼上二河之會有女子乘青牛車倉卒避

路忽不見未幾童謠云云諺謂地祇為青牛嫗後果配太祖稱地皇后云



御定全唐詩卷八百七十八

欽定四庫全書

集部

御定全唐詩卷八百

七十九至
八十三

詳校官庶吉士臣何道沖

主事銜臣徐以坤覆勘

總校官知縣臣繆琪

校對官學正臣卜惟吉

謄錄監生臣戴璵

欽定四庫全書

御定全唐詩卷八百七十九

招手令

亞其虎膺

謂手

曲其松根

謂指

以蹲鵠間虎膺之下

跣

大指也

以鈎戟差玉柱之旁

鈎戟頭指玉柱中指也

潛蚪闊玉柱三

分

潛蚪無名指也

奇兵闊潛蚪一寸

奇兵小指也

死其三洛

謂搯其腕也

生其五峰

通呼五指也

打令口號

送搖招由三方一圓分成四片送在搖前

龍朔中酒令

龍朔已來百姓飲酒作令云云俗謂杯盤為子母又名盤為臺自後

廬陵徙均州子母相去離也連臺拗倒者則天被廢諸武遷赦之兆

子母相去離連臺拗倒

沈亞之

亞之嘗客遊為小輩所試曰某改今書俗各兩句亞之答云云

伐木丁丁鳥鳴嚶嚶東行西行遇飯遇羹

人

如切如磋如琢如磨欺客打婦不當婁羅

亞之

令狐楚顧非熊

楚與非熊飲知其捷辨改一字今試之楚大奇焉

水裏取一鼉岸上取一駝將者駝來馱者鼉是為駝馱

鼉

楚

屋裏取一鴿水裏取一蛤將者鴿來合者蛤是謂鴿合

蛤

非熊

張祐

令狐綯鎮維揚祐嘗預狎燕
因熟視祐改令祐荅云云

上水船風大急帆下人須好立

綯

上水船船底破好看客莫倚柁

祐

盧發

白敏中鎮荆南杜蘓廉問長沙發為從事
致聘焉酒酣傲睨白公不懌改令盧荅云

云公極
歎而罷

十姓胡中第六胡也曾金闕掌洪爐少年從事誇門第

莫向尊前氣色粗

白

十姓胡中第六胡文章官職勝崔盧暫來關外公優寄

不稱賓筵語氣粗

發

沈詢

詢吳人會昌進士第咸通中為昭義節度
嘗宴府中賓友改令歌此詢有嬖妾妻以

配內豎歸秦而仍留侍內秦恥
恨伺宴罷殺詢夫妻如所歌也

莫打南來雁從他向北飛打時雙打取莫遣兩分離

姚巖傑

巖傑投歙州盧肇肇知其使酒敬待之巖傑日肆傲睨肇漸不樂會於江亭肇

改令目前取一聯云云巖傑遠飲一器凭欄嘔噦遂續之

遙望漁舟不闊尺八肇

憑欄一嘔已覺空喉巖傑

裴勛父子

勛容貌么麼性尤率易嘗從其父坦飲客坦飛醢屬人勛輒言狀坦付醢

罰之勛亦答醢云云坦怒而笞之

姓人饒舌破車饒楔

父屬醢云裴勛飲十分

蝙蝠不自見笑他梁上燕

勛復父醢云十一郎亦飲十分

方干李主簿改令

方干姿態山野性好凌侮人有龍丘李主簿者偶於知聞

處見干與之傳杯龍丘目有翳干改令以譏之干缺唇性嗜鮓李答云云一座大笑

措大喫酒點鹽將軍喫酒點醬只見門外著籬未見眼

中安郭

方

措大喫酒點鹽下人喫酒點鮓只見半臂著欄不見口

唇開袴

李

高駢薛濤

駢鎮成都令酒佐薛濤改一字令曰須得一字象形又須逐韻

口有似沒量斗

駢沒量一作無梁

川有似三條椽

濟高公云索一條曲何濤曰相公為西川節度使尚使一沒量斗至於窮酒

佐三條椽止有一條曲又何足怪

南唐烈祖酒令

初李昇蓄異志欲有江南雪天會羣寮宋齊丘徐融等出令借

雪取古人名以諷之惟齊丘叶音融意欲挫昇昇大怒收而投之江

雪下紛紛便是白起

烈祖

著履過街必須雍齒

齊丘

明朝日出爭奈蕭何

融

吳越王與陶穀酒令

穀使吳越共舉酒令云云

白玉石碧波亭上迎仙客

王

口耳王聖明天子要錢塘

穀

附

夷陵女郎鬼

唐夷陵有女郎鬼行酒令迷賀若弼造此弄長孫鸞鸞年老無髮而

口吃故

云云

鸞老頭腦好好頭腦鸞老

御定全唐詩卷八百七十九

欽定四庫全書

御定全唐詩卷八百八十

城陽公主卜繇

太宗女城陽公主初降薛瓘帝卜得繇云云占者請晝婚為吉

帝不從後主坐巫蠱同瓘徙房州咸亨中同卒果以雙柩還京云

二火皆食始同榮末同戚

馮存澄為明皇占

明皇初為臨淄王欲平逆韋之禍與道士馮存澄占卦初

得合因再得斬關三得錢印乘軒存澄曰此黃帝所以勝炎帝也其詞云云明皇掩其口使勿

言後舉事果驗

合因斬關鑄印乘軒始當果斷終得嗣天

錢知微卜賣天津橋

知微天寶末術士嘗至洛居天津橋賣卜云一卦須

帛十疋有貴公子意其必異取帛如數詣卜卦成曰君何戲焉為韵語云云其人本意賣天津

橋給之其精如此

兩頭點土中心虛懸人足踏跋不肯下錢

王山人為李衛公按宴

李衛公為并州從事有王山人者請謁自稱善

按宴公備几案紙筆香水與山人偕坐以俟頃之紙上書八字甚大曰

位極人臣壽六十四

鍾傳客占厯日包橘

傳領江西日客有以覆射之法求見傳以厯日包橘

置袖中令射客云

太歲當頭坐諸神不敢當其中有一物常帶洞庭香

馬重績占隨卦繇辭

重績明於數術晉高祖時為司天監張從賓反命筮

之遇隨重績語其繇云歲將秋矣無能為也七月而從賓果敗

南瞻折木木不自續虛而動之動隨其覆

方龜精為錢元懿卜詞

元懿武肅王第五子貞明中自新定判東陽累

奏授賓睦二州刺史金華郡王終年六十六初元懿之為新定有卜士方氏時人號為龜精常

數卜以貽元懿
至是果如其言

太乙接天河金華寶貝多郡侯六十六別處不經過

葉簡占失牛

吳越時有葉簡者剡人也善卜筮凡有盜賊皆知其姓名射覆無不

奇中

占失牛已被家邊載上州欲知賊姓一斤求欲知賊名

十干頭

果鄰人丘甲盜之

又射覆橘子

圓似珠色如丹儻能擘破同分喫爭不慙媿洞庭山

射覆巾子

近來好裏束各自競尖新秤無三五兩因何號一斤

射覆二雞子

此物不難知一碓兼一雌誰將打破看方明混沌時

天衝星占

天祐元年四月有星狀如人首赤身黑在北斗下紫微中後三日黑風晦

冥其星蓋天

衝也占曰

天衝抱極泣帝前血濁霧下天下冤

占月語

月如彎弓少雨多風月如仰瓦不求自下

占雨

乾星照溼土明日依舊雨

雲行西星照泥

朝霞不出門暮霞行千里

云朝霞雨暮霞晴也

天將雨鳩逐婦

埤雅云鳩鳩陰則屏逐其雌晴則呼而返之今人辨其聲以為無屋住也

占四時甲子雨

春雨甲子赤地千里夏雨甲子乘船入市秋雨甲子禾

頭生耳冬雨甲子牛羊凍死鵲巢下地其年大水

占年

西北人
諺也

要見麥見三白

正月三白田公笑赫赫

樹稼諺

開元二十九年冬京城寒甚凝霜封樹
春秋雨水冰即此亦名樹介言象介冑

也俗又謂之樹稼寧王憲見此
自數必死引諺云云後果薨

樹稼達官怕

相書語

張璟藏論婦
人相引此

目有四白五夫守宅

葬書語

葬壓龍角其棺必斲

書生相郝處俊葬地

朱雀和鳴子孫盛榮

朱雀悲哀棺中見灰

英公徐勣卜葬得前繇張璟藏曰非也此所謂朱雀悲哀棺中見灰

後果新棺焚屍

安龍頭枕龍角不三年自消鑠

張約相崔吳墓

安龍頭枕龍耳不三年萬乘至

吳遺言俊明皇微行至墓所吳言驗而約言

不驗

陰陽書語

張鷟故宅有桑高四五丈無故枯死尋而祖亡陰陽書所云此其驗也

喬木先枯衆子必孤

本草采萍時日歌

唐高供奉作

不在山不在岸采我之時七月半選甚癰風與緩風此
小微風都不算豆淋酒內下三丸鐵幘頭上也出汗

和劑方補骨脂丸方詩

宣宗朝太尉張壽知廣州得補骨脂丸方於南

蕃人服之驗為詩紀之補骨脂神農本草不載生廣南諸州及海外諸國衰年陽氣衰絕力能

補之

三年時節向邊隅人信方知藥力殊奪得春光來在手

青娥休笑白髭鬚

李廷珪藏墨訣

墨譜 廷珪精於製墨本姓奚從易水徙居南唐賜國姓

贈爾烏玉玦泉清研須潔避暑懸葛囊臨風度梅月

御定全唐詩卷八百八十